

6097

Westm

89199

U-65

20

Amherst

1909

891.99

Ա-65

ԹԻԻ 26

ՍԵՒ ՊԱՏԿԵՐՆԵՐ

ՅՕՐԻՆԵՑ

ՏԻԳՐԱՆ ԱՇՃԵԱՆ

ՀՐԱՏԱՐԱԿՈՒԹԻՒՆ

Վ. Լ. Պ. ԶԱՐԴԱՐԵԱՆ ԵՂՐԱՅՐՆԵՐՈՒ

Կ. Պոլիս Չագնագերլար քիւ 24—26

891.99

Ա-65



Կ. ՊՈԼԻՍ

ՏՊԱԿՐ. Ե. ԱՍՍՏՈՒՐԵԱՆ ԼԷ ՈՐԴԻԿ

1909

2011

ԱՌ ԲԱԶՄԵՐԱԽՏ ՈՒՍՈՒՅԻԶ ԻՄ

Պ. ՄԵԼՔՈՆ ՂԵՒՈՆԳԵԱՆ

*Աշակերտէն Ուսուցիչին ,
Նրաէր մ'է այս խիստ շատ ջրնջին ,
Երախտիքի իբր լորշան . . .
Զօնէ Տիգրան Թ. Աշմեան :*



ԶԵՓԻՒՌՆ Է ՄԻԱ՛ՅՆ ՄԻՒԹԱՐԻՉ

Արշալոյս է, կը զարթնում: Արեգը դեռ հեռո՛ւն . . . լայնատարած հորիզոնի ետին է թագուն: Օդը հանդարտ է խելօք ծովի անշարժութեանը նման միապաղաղ: Մերթ, լուրթ կապոյտին մէջ թրթռուն հոսանք մ'է կ'ելեւէջէ ու պարապութեան հետ շփուելով քաղցրահնչիւն խաղեր մ'է կը բերէ ականջիս: Առաւօտեան սուրհանդակն է որ իր մեղմիկ շունչով կը սարսռայ և նազանոտ գընացքի հիանալի՛ քնքշութեամբ մ'երերուն՝ տակաւ, տակաւ կը մօտենայ այն կնոջ՝ որ աւերակներու սգալի մոխրակոյտին վրայ բազմած՝ գեղեցիկ աչերէն կաթկթող արցունքի կայլակները կը սրբէ տրտմազին, և մերթ ընդ մերթ, թաց ու չոր աչերովը չորս դին կը նայի հրեշտակային անմեղութեամբ մ'եզակի ու կը դիտէ այդ փլատակներն անծի՛ր՝ որ ինքն է նրանց պահապանը հաւատարիմ, միակ լացողը անբաղդութիւնը դժոխային մութով գրուած, և անողճ ճակատագրի մ'ենթակայ եղող սգաւոր Ազգի մը վրայ . . . :

Զեփիւռը կը մօտենայ խնկալի բուրումով սգալի կնոջ ու կսկսի տարուբերուիլ սիրոյ հմայքով մ'արբեցած . . . և հեզիկ հեզիկ թրթռալով՝ նրա ցիր ու ցան վարսիբի ալիքներուն մէջ կը խըրճուի . . . :

Մազերը կ'երերան ու նուազկոտ դէմքին վրայ խուրճ, խուրճ կը լեցուին:

Կծու ցաւերու արգասիքն եղող այդ աղի արցունքը՝ նրա տժգոյն այտերուն վրայ կ'սկսի բիւրեղի նման պճլտալ և աղամանդի մը ջինջ թափանցկութեամբը ցոլացիք՝ վառ, վառ լոյս մը կը ձգէ իր դէմքին վրայ նիհարցած . . . :

Կինը մի պահ զովարար շունչէն կը շարժի թախճոտ աչերը գոց՝ և կը կարծէ ըլլալ անմահութեան դրախտին մէջ կենսաշոյր:

ստուերը սգալի՝ իր մտայկոտուութեան մէջ կը խառնէ արծաթեայ շէն շողերը լուսնկային, և տոգոյն թոյր մը կը ձեւացնէ գիշերուայ անհուն խաւարին մէջ :

Կարկաջահոս առունները լուսնի լուսէն ծփծփալով, բեկբեկուն ծալքերով արծաթային՝ գլգլ, գլգլ վա՛ր կը սահին օձապտոյտ աղօսներու ընդմէջէն . . . այդ շուրերը ջինջ, յստակ կը փայփայեն, կը համբուրեն ու կը լզեն ինքնարոյր ու դալարաղարդ ափունքը առուին, և մեղմիկ խոխոջալով՝ վա՛ր, վա՛ր կը թաւալին մթու- թեան մէջէն, լուսնի աղամանդեայ ճառագայթներու ներքեւէն :

Լճու, լճու է ամէն դի, բոյներն անձայն, որջերն անշուշտ, բնակարանները լճու . . . : Միայն անխոնջ առուին մեղմիկ խոխոջն է կը լսուի հազիւ հազ անհուն լռութեան մէջ գիշերուան :

Դաշտեր, ձորեր, դալարիք ու ծաղկունք լուռ պահած են կա- տարեալ և գիշերուայ սեւ սաւանին տակ ծածկուած՝ մո՛ւշ, մո՛ւշ քուն կը քայեն անցաւ ու անվրդով . . . : Կը նիրհէ բնութիւնը : Անքուն է միայն խափշիկ գիշերուան սիրահար լուսինը փառաւոր, նա՛, աներկիւղ ու անվարան կը թաւալի՛ ու կը շրջի պարապու- թեան մէջ անծիր ցանցներով ու սփռելով իր լուսազեղ ճառա- գայթներն ամէ՛ն կողմ ու ամէ՛ն դի . . . և այդ տկա՛ր ճառագայթ- ներու լոյսովն է որ հեռո՛ւն . . . լեռան մը կողին մօտ մի խրճիթ կը նշմարուի հազիւ հազ . . . :

Սարխո՛ւլ տնակ, սակայն Հայո՛ւ բնակարան : Ներսը մութ չէ : Քառակուսի սենեկի մը մէջ ճրագ մը կը պլպլայ տկա՛ր ու աղօտ լոյս մը ձգելով հոն : Պատերուն վրայ կարճ ու երկար շուք մը կը շարժի ու կը կորսուի նորէն : Գետինը պատռած փոխաթ մը միայն ձգուած է, սենեկին վերի անկիւնը բարձ մը կ'երկարի հարթ գետ- նին վրայ և անոր առջեւ նստած է մի երիտասարդ՝ ձեռքերն ա- ռած նամակ մը կը կարդայ ուշիուշով և կամացուկ . . . :

Աջ քովը գետնին վրայ կը տեսնուի մի ռուսական զէնք ու անոր մօտ բաւականի չափ փամփուշտներ և երիտասարդին գլխար- կը սեւաթոյր : Երիտասարդը թաղուած ընթերցումի մէջ, մերթ կը կարմրի ու մերթ կը տոգունի . . . և յանկարծ, տեղէն ընդոտ ցատկելով զարհուրած կը պոռայ .

— Ա՛հ, իմ աղբերն էլ մատնուեցա՛ւ . . .

— Դու եւս մատնուեցա՛ր, կը լսուի դուրսէն մի ձայն, ու ներս կը խուժեն կատաղիորէն զօրքերը, նաեւ մի ծպտուած մարդ ու երիտասարդը ձերբակալելով՝ դուրս կ'ելնեն խրճիթէն և լեռան ետին կը կորսուին . . . :

ԱՐՅԱԻՐՈՏ ԳԻՇԵՐԸ



Գիշեր է : Երկնակամարը բեհեզեայ՝ սեւ շղարշով մը գուցուած է անհուն . . . :

Անծայրածիր տարածութեան մը մէջ անհամար աստղեր լու- սազեղ փարօսներու նման կը վառին պլպլուն, և գոգ- ցես կը խայտան մեծ առագանութեամբ, անհուն բարձունքէն վար ցանցներով լուսասփիւռ հմայքն ու քմայքը իրենց վառ, վառ ցոլ- քերուն . . . : Մարմրուն ասուպները կը խաչաձեւեն ցանուցիը՝ ան- հունութեան ծոցէն իյնալով վարի անսահմանութեան մէջ լճու ու անշուշտ . . . : Մո՛ւթ գիշեր մ'է խաւարին, արհաւրո՛տ գիշեր, խորհրդաւոր գիշեր . . . : Չ'կա՛յ լուսին, չ'կա՛յ ճառագայթ մը լու- սաւոր, պլպլացող աստղերն ալ չ'ունին այնքան լոյս, որքան՝ լուս- նին մի ճառագայթը մեղանոյշ որ կ'արծաթաղօծէ անծիր խաւարը դժօխային . . . :

Կ'արտասուէ՛ լուսաբաղձիկ գիշերը սե՛ւ ու մըտտ արցունքներ՝ որոնք յորդառած՝ գարնանային անձրեւի խոշոր կաթիլներու նման պարապութեան մէջ կը թափին ողողելով վարի անսահմանութիւնը և ներկելով զայն մռա՛յլ ու սե՛ւ գոյնով մը թաղծալիր . . . :

Կուլա՛յ գիշերը, կաթիլ մը շողի, մի տկա՛ր ճառագայթի հա- մար, որպէս զի դուրս տայ շատերուն իր խաւարտչին ծոցին մէջ կատարուած բոլո՛ր արարքներն անխիղճ, անգո՛ւթ ու տմարդի :

Եւ սակայն, չ'կա՛յ լուսին, չ'կա՛յ ճառագայթ մը լուսաւոր, պլպլացող աստղերն անգամ չ'ունին վառ լոյս մը փառաւոր, գո- հացում տալու լուսաբաղձիկ գիշերուան . . . :

Տարաբա՛խտ գիշեր, անլուսին գիշեր, մռայլո՛տ գիշեր, ո՛րը գիշեր . . . ինչե՛ր ունիս ծոցիդ մէջ, ի՛նչպիսի անողորմ ու քսամնելի ժամեր կուգան, կ'անցնին քո մէջէն սոսկալի՛ արագութեամբ և լճու ու մոռնջ . . . :

Անոնց տողանցումը որքա՛ն թեթեւաշարժ կը լինի և անոնց բացած աղօսը որքա՛ն անտեսանելի, որքա՛ն արիւնտ կ'ըլլայ քո սե՛ւ մակարդակին վրայ խորհրդաւոր . . . :



Ա՛հ, արհաւիրո՞ւմ գիշեր, սե՛ւ գիշեր . . . :

Ու գիշերը կուլա՛յ, ու գիշերը սեւ արցունքներ փրփուր, փրփուր կը թափէ իր մրայոն աչերէն . . . : Եւ սակայն չ'կա՛յ լուսին, չ'կա՛յ շէն շողի ճառագայթ մը մեղրալիր, աստղերն անգամ չ'ունին փայլ . . . :

Գիշեր է: Երկնակամարը բեհեզեայ՝ սե՛ւ վարագոյրով մը գոցուած է անձի՛ր . . . թէպէտ և չ'կայ լուսին, չ'կայ ճառագայթ մը արծաթեայ և աստղերն ալ անզօր լոյսով կը փալփին վերի անդունդին մէջ գեհեհային: Սակայն դարձեալ, տկար, շատ տկար լոյսի ճառագայթներ կը զրկեն այդ հեռաւոր բարձունքէն դէպի՛ վարը լուսազուրկ . . . :

Լոյսը քիչ է, մութը շատ, խաւարը խիտ. — դէ՛շ բան . . . :

Սյդ քիչ լոյսի շնորհիւ, լեռնահովիտի մը բարձունքէն սեւ ստուերի մ'անցնելը կը տեսնուի հազիւ հազ . . . : Սյդ ստուերը չ'անցնիր, կը գլորի աւելի, կը գահավիժի կարծես . . . հարեկու մի ցուրտ սարսուռով մ'անգուլթ . . . ստուերը քիչ, քիչ կը ցածնայ վա՛ր, վար, և դաշտին մէջ, և հարթ գետինն վրայ: Տկար լոյսի աղօտ ճառագայթը ստուերին իսկական պատկերը կը գծէ հիւանալիօրէն . . . — կնո՛ջ մը պատկերը . . . կին . . . այդ ստուերը կին է եղեր և ուսին՝ մի փոքր բան, մի մեղէն կոյտ, մի նորածին մանուկ, բոլորովին մերկ, առանց մի շորի մէջ փաթաթուած: Հէ՛գ մանկիկ, խեղճ կին . . . :

Ի՞նչ է արդեօք այս դէպքը, ո՞վ է այդ կինը որ հալածուած կ'երեւի, որ մութին մէջ կը քալէ, որ խաւարը կը ձեղքէ, որ լեռան ցցոտ կուրծքէն վար կ'իջնէ ու կը փախչի, ու կը փախչի լաւահառա՛չ, սրտակոտոր, հարեկ, բայց մոլեգին . . . :

Լեռան գագաթը ստուերներու շարք մը կ'երկարի, և այդ շարժուն երեւոյթները դէս ու դէն և դէպի՛ վար կը հակին, կ'իջնեն, կը գահավիժին լեռնէն դէպի ձոր, ձորէն դէպի՛ դաշտ և գիշակեր թռչուններու նման՝ արագ կը թռչին մթութեան մէջ՝ որսը, խոյս տուող որսը յափշտակելու, լափելու և վերջացնելու համար . . . :

Կը փախչի կինը խաւարի մէջէն հեւ ի հեւ, մանկիկն ուսին թմրած ու փաթթած . . . : Ստուերներն ալ կը թռչին, չ'են՛ վազեր, արագ, աւելի՛ արագ կ'երթան, կնոջմէ՛ աւելի՛ արագ կը վազեն բռնելու, զա՛յն բռնելու համար:

Դաժան զօրքեր են այդ երեւոյթները: Կը վազեն՝ դիւային վազքով, կը թռչին արծիւի սուր թռիչով, և կը յառաջանան և կը մօտենան որսին, անբա՛ղդ որսին, հէ՛գ կնոջ, խեղճ կնոջ . . . :

— Ո՛հ, անգուլթ զօրքեր ի՞նչ կ'ուզէք, ի՞նչ յափշտակութեամբ խելացնոր կը վազէք ձեր վայրագ յառաջացումին հետ տանելով գիշերուան անն ու սարսափը, սոսկալի խաւարը և արհաւիրքը դժոխային . . . :

Ի՞նչ կուզէք այդ կինէն ո՛հ; անխիղճ զինուորներ, ժանա մօլուցքի սեւ հեղուկէն արեցողներ, անխղճութեան բաժակը ցմրուր քամող անդգայ գինեմոլներ, ո՛ւր, ո՛ւր կը վազէք հեւալէն: Տըռփանքի գարշելի ու այրող հո՛ւրն է միթէ՛ ձեզ մղած մինչեւ հո՛ս. մինչեւ խաւարին մէջ, զինանոցէն գիւղ, գիւղէն դէպի՛ լեռ, լեռնէն դէպի՛ ձոր, ձորէն դաշտ . . . ու կնոջ ետեւ, ու հէ՛գ կնոջ ետեւ, ո՛ւ կնոջ ետեւ . . . : Ա՛հ, անգլթութեան հարագատ զաւակներ, ո՛հ, բռնապետութեան վաշտուէ՛ր, կոյր գործիքներ, ա՛հ, տարաբա՛ղդ Ազգին օճախներու մոխիրները շատցնողներ . . . : Ա՛հ, անգուլթ հալածողներ, դաժան ու մոլեգին զօրքեր, կ'երթա՛ք, կը վազէ՛ք, կը փախչի՛ք, կը թռչի՛ք և կը ջանաք բռնել խեղճ կինը, տկար կինը, Հայ կինը . . . :

Կինը կը փախչի, կ'անցնի շուքի նման թաղժոտ գիշերուան խաւարի մէջէն . . . և ստուերները կը վազեն անոր ետեւէն, կուգան, կը մօտենան, ա՛հ, կը մօտենան կնոջ . . . :

Խեղճ կինն ուժասպառ կը կանգնի, լեզուն դուրս ձգուած՝ շունջը հեւ ի հեւ, աչերը նուազկո՞տ, ո՛չ այլեւս մոլեգին, աջ ձեռքը վար ինկած, իսկ ձախովը տակաւին ուսին բռնած մանկիկը . . . : — Ա՛լ լմնցա՛ւ, ա՛լ կինը թակարդի մէջն է . . . :

Յանկարծ որոտում մը գիշերային խո՛ր լուութեան մէջէն, հըրացանի պայթի՛ւն մը . . . : Կրակի հոսանք մ'ալինթարթի մը մէջ անցա՛ւ . . . ձեղքեց մութը և զօրքերու կողմէն եկող կրակը նըպատակին ծառայեց . . . : Գնդակն էր սուլեց ու ծակեց մանկիկին մատղա՛չ կունակը . . . : Կինը սարսափած՝ թեւը թողուց, մանկինը խո՛ւլ ճիչ մ'արձակելով վար ինկաւ . . . կինը ետին դարձաւ անբեկած և անա՛ գնդակ մ'ալ շշնջաց, վը՛զ . . . բայց պարագ անբեկած և անա՛ գնդակ մ'ալ շշնջաց, վը՛զ . . . Զօրքերը մօտեցան, եկա՛ն, հասան կնոջ . . . և կինը, որդեկորո՞յս կինը՝ աչերն արիւնով լեցուած, վրիժառու ոգիով մը

մանչեց կատաղիորէն ու նետուեցաւ զօրքերուն վրայ: Մի հատին կոկորդէն ուժգին սեղմելով՝ անոր գործը վերջացուց գետինը փռուելով զանի . . . : Երբ միւսին վրայ կը յարձակէր, դարձեալ հրացանը որոտաց . . . : Ա՛հ, վատ գնդակ: Ափսո՛ս որ այս անգամ կինն էր գնդակահար . . . և կինը թաւալազլոր ինկա՛ւ դիմացի փոսին մէջ, ո՛ւր իր նորածին մանուկը նոր մեռած էր . . . :

Ու կ'արտասուէ՛ լուսակարօտ գիշերը կողկողագին՝ սե՛ւ ու մրոտ արցունք թափելով . . . կուլա՛յ գիշերը մի ճառագայթի, մի լուսաւո՛ր ճառագայթի համար, որպէս զի ցոյց տայ շատերո՛ւն իր մռայլ ծոցին մէջ կատարուած բոլո՛ր արարքներն անխիղճ և ոճրագործութիւններն անգո՛ւթ ու տմարդի: Եւ սակայն, չ'կա՛յ լուսին, չ'կա՛յ ճառագայթ, սլլսլացող աստղերն անգամ չ'են իսկ վառ, որպէս զի լոյս տան, որպէս զի լա՛ւ ցուցնեն շատերո՛ւն մե՛ծ ոճիրը տմարդային ու հրէշաւոր և գոհացում՝ լուսափաղձիկ ու արհաւրո՛տ գիշերուան . . . :



Հ Ե Ր Ո Ս Ը



Գիշեր է: Երկինքն ամպոտ, մռայլը կատարեալ: Հիւօիսային քամին կը գոռայ երկնքի անհունութիւնը պատռելու չափ . . . :

Սե՛ւ, սե՛ւ ամպեր՝ դժոխային որոտումով մ'ահաբեկ՝ իրարու ետեւէ կը վազեն հորիզոնէ հորիզոն քամիի կծո՛ւ շունջին ուժգընութեանէն յաիշտակուած . . . : Կը փախչին կապարեգոյն թուլպերը մռայլկոտ՝ և նրանց վիթխարի հեւքը ցի՛ց ժայռերու ժեռուտ զագաթներուն բաղխուելով՝ անգամ մ'ալ ետ կը դառնան սոսկալի արագութեամբ և լեռնաշղթաներու խորունկ հովիտներուն մէջ կը լեցուին . . . :

Անձրեւախա՛ռն հով, կը սուլէ, կը մռնչէ, կը գոռա՛յ ու կ'ոռնայ . . . սրբելով, լզելով, առնելով՝ գետնէն խիճ, աւազ, քար ու կը քշէ՛ կը տանի՛ լեռնէ լեռ, բլուրէ բլուր, սարէ սար, ձորէ ձոր, հովիտէ հովիտ և հեռուն, հեռո՛ւն շա՛տ հեռուն . . . :

Հովը կը հեծէ դառնաշունջ ու հեղձուցիկ և իր խելայեղ վազքին մէջ՝ լացի, կոծի, վշտի անհո՛ւն հոտանքներ առած՝ կը փախչի . . . մտրակելով գորչ ամպերն ահարկու, ծեծելով անսասան ժայռերու կարծր կուրծքը խորտ ու բորտ և կ'անցնի՛ վզվզալով ու գոռալով ամէ՛ն դի ու ամէ՛ն կողմ . . . :

Գիշեր է, երկինքն ամպոտ, մռայլը՛ կատարեալ . . . վերը՝ դժոխային գոչեր, ամպերու որոտում, կայծակ ու փայլակ . . . վարը՝ արհաւիրքի մէջ խեղդուող լուսթիւն մը՝ խառնուած անձրեւի շխրտուքին հետ երկա՛ր ու ձի՛գ . . . : Անհունը պատող խաւարին մէջ, վերը՝ բարձրաբերձ լեռան վերեւէն սե՛ւ ստուեր մը կը փախչի . . . կը թռչի՛ քա՛ն կը փախչի, կը սուրա՛յ քա՛ն կը թռչի . . . արագ, շա՛տ արագ կը սլանայ այդ ստուերը . . . և դառնաշունչ հովը կարծես կը նպաստէ, կ'օգնէ նրա յառաջացման՝ զայն քշելով շա՛տ հեռու . . . լեռնէ լեռ, ժայռէ ժայռ և հեռու . . . աւելի հեռո՛ւ շա՛տ հեռու . . . կ'անհետի՛ շուքը երբեմն ձորի մը խոր տեղուանքը, և ակնթարթէ՛ մը՝ կը նշմարուի միւս լեռան բարձունքը . . . ու կ'անցնի՛ երեւոյթը . . . կը քալէ, կը վազէ, կը փախչի, կը թռչի . . . կը սուրա՛յ շա՛տ շուտ շատ արագ . . . դարձեալ կը կորսուի շուքը . . . և ատեն մը կը թաղուի խաւա-

րին մէջ : Կը կորսուի՛ր . . . երկա՛ր չ'երեւիր . . . և ահա՛ , բաւական հեռո՛ւն լերան գագաթը կը տեսնուի դարձեալ . . . :

Ստուերն այս անգամ կանգ կ'առնէ : Կը ցածնայ , կը բարձրանայ , ծուկն կը դնէ , մի քիչ անշարժ կը կենայ , ալանջ կը դնէ ու նորէն ոտքի կ'ելնէ , քիչ մ'ալ կը յառաջանայ ու այս անգամ կանգ առնելով՝ երկա՛ր կ'ապասէ , կը ծռի , կը նստի , կ'երկարի սեւ լերան սեւ բարձունքին վրայ . . . :

Փայլա՛կ մ'ալ լերան բարձունքին վրայ . . . հրացանն է կրակ կուտայ . . . պո՛ւմմ . . . ո՛ւու . . . վը՛ղ . . . վի՛ղ . . . մի՛ , երկո՛ւ , երե՛ք , չո՛րս գնդակներ կը սուլեն լերան վերեւէն ու կ'երթան միւս լերան կողերո՛ւն . . . թերեւս հո՛ն գտնուող մարդոց կողերուն . . . և ստուերը կը շարժի , վեր կ'ելնէ , հրացանը ձեռին՝ կը վազէ՛ , կը թռի՛ , կ'անցնի՛ , կերթայ ու կը կորսուի լերան ետեւ . . . :

Հրացանն այս անգամ միւս լեռնէն կ'արձագանքէ , մի՛ , երկո՛ւ , երե՛ք . . . և այս անգամ որոտընդոտ կը սուրա՛ն ու կը սուլեն անթիւ գնդակներ . . . գո՛րխային գոչերուն հետ հրացաններո՛ւ պայթիւն , հովին ոռնոցը , ամպերուն որոտը , գնդակներո՛ւ սուլուցքը միատեղ խառնուած՝ վե՛ր , վե՛ր կ'ելնեն և կարծես կը պատեն անհունութիւնը խաւարին . . . :

Ստուերը դարձեալ կ'երեւի երրորդ լերան ստորտն այս անգամ , հիմա կարծես անվրդով կը քայլէ , կը վազէ՛ և սակայն ո՛չ առաջուան առագանութեամբն ու թեթեւաշարժութեամբն հիանալի :

Պահէ մը դարձեալ կ'երեւի , և այս անգամ հարթ գետնի վրայ , և կարծես գիւղի մը մէջ . . . ծո՛ւու ու մուռ փողոցներէն անցնելով՝ գիւղին ծայրը մի փոքրիկ խրճիթի առջեւ կանգ կ'առնէ . . . քովէն բանալի մը հանելով դուռը կը բանայ ու ներս կը մտնէ . . . ներսէն մի տկար ձայն կը հարցնէ .

- Ո՞վ է :
- Ես եմ Մարեամ ջա՛ն , կը պատասխանէ ստուերը . . . :
- Ա՛հ , եկա՛ր , Աղբէ՛ր , կը հարցնէ ներսի ձայնը :

Սենեակը կը լուսաւորուի , և կանթեղին լոյսով կը տեսնուի սենեկին մէջ մի յաղթանդամ կտրիճ՝ որ ձեռքին զէնքը վար դընելով՝ կը մօտենայ աղջկան . . . :

- Վրէժս առի քոյր իմ , բայց տե՛ս , տե՛ս հո՛ս ի՛նչ կայ , ըսելով՝ կը բանայ սիրտը և ցոյց կուտայ անոր՝ արիւնով ներկուած շապիկը . . . : Աղջիկը սարսափած՝ կը նուաղի գետին գլորուելով .
- Իսկ հերոսը՝ փսխածի վրայ երկարած՝ վերջին շունջը կը փչէ նոր օտացած մահացու գնդակէն . . . :

ՅԵՂԱՓՈԽՈՒԹԵԱՆ ԶՈՅԸ

Գիշերն անցեր է : Արհաւրոտ ու մռայլ ստուերը երերուն՝ խօլ երազներու երամին հետ անչուռն՝ քշուած են հեռո՛ւն . . . անհունութեան ծոցը թագնուած . . . : Երկնակամարէն կախուող անհամար ջահերու իւղը սպառած կարծես՝ տակաւ , տակաւ աղօտ լոյս մը կը ցանցնեն դէ՛պ ի վար ու կը մարմիրն , կը նուաղին և կը շիջին յետին ցուքերու հոյլ մը թափելով՝ վարի անսահմանութեան ծոցը . անծանօթ խորշերու խորո՛ւնք տեղուանքը մո՛ւթ ու սե . . . :

Գիշերն անցեր է : Արուսեակն է լերան վերեւ կը փալփլի մեղալուսային մեղո՛յ ջուքերով մ'արծաթեայ :

Անօսրացած խաւարը աղջամղջային՝ կ'անհետի՛ սեւ պատանքով և անսահման և անոր կը յաջորդէ մթնշաղային արշալոյսը գուռնազեղ . . . :

Արեւը դեռ հեռո՛ւն է . . . լայնատարած հորիզոնի լանջին տակ կը հանգչի , լերան ստորտը Գ . . . գիւղն է և նրա առջեւէն կ'անցնի Տ . . . գետը փրփրկայոյզ ու աղմկալից : Յուզող գետը դաշտերու մի մասը ոռոգելով պարտէզներու ափին մօտիկ՝ ծառերն արմատախիլ ըրած՝ կատաղի մոռնիւնով կը սահի վա՛ր , վա՛ր յուզուած ալիքներու յորձանքներովը մոլեգին :

Գիշերն անցեր է , արշալոյսն ալ հեռի է . . . արեգակը հորիզոնի ետեւէն վեր է բարձրացած : Դաշտեր , ձորեր , սարեր , լեռներ իր ճառագայթներու սլաքաւոր զարկին տակ՝ վերակենդանացեր են . . . փաղփոռն շիթերն առաւօտեան՝ իր կենսատու շողերուն տակ , մարգարիտի հատիկներու հանգոյն կը փալփլին մարմանդին վրայ և կոյս բաժակներու մէջ լեցուած :

- Առաւօտ է : Գիշերն հեռի է , արշալոյսն ալ թագնուած է :
- Գ . . . գիւղը վերակենդանացած է : Գիշերային խաղաղութիւնը խանգարուեր է թռչնոց ճլվլումէն և գիւղացւոց զարթնումէն :
- Բոլոր ծիսակոյտներէն մուխերը գուռա , գուռա կը բարձրանան գալարուն օձերու պէս և գիւղին վրայ գարշագոյն շղար մը կը կազմեն արեւու լուսաւոր ճառագայթներէն փայլելով . . . :

Հմայիչ է տեսարանը: Գետը շարունակական վազքով կը սահի ու կը սահի ... արեւը կը լուսափայլէ նրա պղտոր ալիքները ասեղամուռնչ՝ որոնք խենդ ու խելար վէտվէտումով կը գլորին դէպ ի վա՛ր, դէպ ի վա՛ր ... հեռո՛ւն ... գետափին մօտ, սեւ կէտ մը կը նշմարուի ալեկոծ ջուրին վրայ: Դա՛ ձկնորսն է իր փոքր տկալաստին վրայ ուղիղ կեցած՝ ուռկանը ջուրը կը ձգէ...: Գետափէն դուրս, դաշտերուն վրայ կը նշմարուին փոքր ու սպիտակ կէտէր: Նրանք նորածին գառնուկներն են որ կը խայտան դալարիքին վրայ: Կը ճարակին դէս ու դէն ցատկրտելով, և կը մայնեն քարղցրահնչիւն ձայնով մը սրտագրաւ:

Թէեւ շատ լուռ չէ հոս ու հոն, սակայն, վերջին ծայր սաստիկ աղմուկ ու խառնաշփոթ իրարանցումը մութ չէ գտած գիւղացիներու մէջ: Նրանք տակաւին խրճիթներու մէջն են, միայն հովիւներն ու ձկնորսները են որ շատ կանուխէն հեռացեր են գիւղէն: Դաշտի մարդն ալ եղներն առջեւը ձգած՝ հօ՛, հօ՛, ներով հասեր է իր գործատեղին:

Գիւղին անդորը վիճակը վայրկենական կը փոխուի: Մի քիչ հեռուն, իրարանցում մ'է կ'սկսի: Զինուորներն են որ գիւղին մէջ աստանդական կը շրջին, կը վազեն ... դէպ ի՛ կտուր կը բարձրանան, փողոց կ'իջնեն, այս ու այն կողմ կը պտտին ...: Խաչօնց տունը կը փնտռեն, աւելի՛, խոյս տուող Խաչօն:

— «Խինզի՛ր, քեաֆի՛ր ... նէրէյէ՛ գաչտի», կատաղիօրէն կը պօռան ու հրացան կ'արցակեն ...: Աղիողորմ գիշեր, լաց ու կոծ, վայնասուն՝ իրարու հետ խառնուած՝ կը միանան հրացաններու որոտումին և կը վրդովեն առաւօտեան հանգստութիւնն ու անգործութիւնը ...:

Զինուորները գիւղացիի մը միջոցաւ կը գտնեն Խաչօնց տունը, դուռը ուժգնօրէն տապալելով ներս կը խուժեն ու վայրագ դազաններու նման պառաւի մը վրայ կը յարձակին՝ որ բակը կեցած՝ դուրսի աղմուկներուն միտ կը դնէր ...: Պառաւն այս անակնկալ դէպքէն զարհուրած՝ սոսկալի ճիչ մ'արձակեց և սենեակին կողմը փախաւ ... նոյն միջոցին մառանէն դուրս թռաւ մի աղջիկ հերարձակ ու դալկահար դէմքով ու դէպ ի կտուր բարձրացաւ: Զինուորներէն մին նշմարեց զայն ու հետեւեցաւ անոր: Միւս զինուորներն ալ կարծելով փախստականին հետքն է երեւցած՝ դէպ ի փողոց նետուեցան ...:

Զինուորը տանիքէն աղջիկը կը հալածէր « կեա՛վո՛ււ գըզ...» ձայնելով, սակայն աղջիկը, առանց ոտքը կօխած տեղը տեսնելու կը վազէր տանիքէ տանիք ... Իսկոյն խելացնոր աղջիկը կանգ առաւ, առջեւն այլեւս տանիք չ'էր այլ պարա՛պ ...: Սպօտէր չ'էր ըլլար, զինուորը զայն պիտի բռնէր, և բռնաբարումն ու լիկումը անխուսափելի էր ...:

Աղջիկն իր վճռական որոշումը տուաւ, աւելի լաւ էր մեռնիլ, քան վրայ տալ Հայու նամուսը և ուստի, ինքզինքը տանիքէն վաք ձգեց դէպ ի փողոց ...: Ոտքը սուր քարի մը հանդիպելով ծակեցաւ, արիւնն սկսաւ աղբիւրի պէս վազել ... աղջիկն իր ցաւատանջ անկումին մէջ, զգաց մահուան սարսուռը ... քիչ հեռուն, նշմարեց դարձեալ զինուորներ որ դէպի՛ իրեն կուգային: Նէ իսկոյն ոտք ելաւ և կաղն ի կաղ սկսաւ վազել արեան հետք մը թողելով իր ետին ...: Զինուորները զայն տեսնելով շուտ մը յառաջ անցան: Աղջիկը զայս նշմարելով՝ աւելի՛ արագ սկսաւ վազել, մոռնալով իր ֆիզիքական ցաւը, ոտքէն արեան հոսիլը ... և վայրկեանէ վայրկեան տկարանալը ...: Պատիւն անաղարտ պահելու բո՛ււն փափաքը նրան աւելի ուժ մը տուաւ յառաջանալու և ազատելու ...: Սակայն դատաւճիռն անգուժ էր և գաժան մահն՝ անխուսափելի ... աղջիկը դարցեալ կանգ առաւ:

Ալ ո՛ւր գնար: Աղջեւը գետն էր, ետեւը՝ թշնամի զօրքերը: Ապրէ՛ր բարոյականով մեռած, թէ՛ մեռնէր պատիւով կենդանի մնացած:

Աղջիկը արոշեց դարձեալ այս վերջինը: Լաւ համարեց ջուրի մէջ խղդուիլ, քան ամօթի ու պշգանքի հեղեղին մէջ ...: Իսկոյն, երեսը խաչակնքելով՝ ինքզինքը ջուրը նետեց ու պղտոր գետի փրփրադէզ ալիքներուն մէջ կորսուեցաւ ...:

Զինուորները ոչինչ չ'էին շահած: Խաչօն գետը լողալով փախչէր էր դամանալի ճարպիկութեամբ, բայց միայն ջոյրն էր որ զօհ կ'երթար պաշտելի՛ յեղափոխութեան ...:

1001
36



ՄՆԱՍ ԲԱՐԵԱԻ ԱԻԵՐԱՎ ԾՃԱԽ



Վարդանը տունը չէր այդ գիշեր: Կէսօրին մի յաղթանդամ մարդ նրա բերած էր մի նամակ. նա զայն կարդալով, երեսը ծամածռած, զէնքերն առնելով դուրս ելած էր տունէն...:

Տունեցիներուն ոչ մի բան ըսած էր, և այս լռութիւնը մեծ ցաւ պատճառած էր նրանց:

Գիւղին ծայրը կը գտնուէր Վարդանենց տունը, լերան կողին վրայ հաստատուած: Տան առջեւը, դէպի հիւսիս, ցցոտ ժայռերը կը կանգնէին հպարտ ու խրոխտ, անոնց լերկ սարերը մինչեւ ամպեր կը հասնէին:

Սյդ բարձունքին վրայ, այծեամներու որջը, անգղներու և գիշակեր թռչուններու բոյները միայն կային կանգուն:

Մարդ էակը գերբնական ուժ ալ ունենար, չ'պիտ' կրնար այդ բարձրաբերձ կատարներուն հասնիլ... այնքա՛ն, որ անելանելի արահետ մը կը նշմարուէր այդ ապառաժներու միոյն կողին վրայ, և այդ ճանապարհը իր նեղ ու օձապտոյտ վիճակով՝ հազիւ մի թեթեւաչարտ եղնիկի անցք կուտար դժուարօրէն:

Սմայի էին այդ տեղուանքը և ամեհի ու կատղած բնակչութիւն մը կրնար ըլլալ այդ բարձունքներուն վրայ.— Բազէներ, անգղներ, արծիւներ, եղնիկներ ու այծեամներ և ուրիշ վայրի գազաններ...:

Սյդ լերկ սարերուն վրայ, տեղ, տեղ կանաչութիւն մ'ալ կար, վայրի թուփեր էին անոնք, շա՛տ խոշոր, պարարտ ու թաւ:

Ահա՛ այս բարձրաբերձ լեռներու շղթան դէպի Հիւսիս երկարելով պատուար մ'էր Օ... գիւղին և ձմեռները հիւսիսային բուքէն զերծ կը պահէր զանի...:

Սյդ ժայռերուն դիմացը Վարդանենց խրճիթն էր շինուած, կարծես ուղտին առջեւ մըջիւն մ'էր կանգնած...:

Վարդանը տունը չէր այդ գիշեր, և տունեցիները մինակ էին բոլորովին մինակ...: Խրճիթը կը բաղկանար սենեակէ մը միայն, օտնեակին ճի՛շդ մօտ՝ մառանը և անոր քօվն օձախն՝ ո՛ւր կը պատ-

րաստէին կերակուրները: Մառանին ներսը, մի անկիւնը լայն ծակ մը կար տախտակով գոցուած: Սյդ ծակը Վարդանը դիտմամբ բացած էր, կարգ մը պարագաներուն՝ անկէ ներս մտնել ելնելու համար: Ծակէն դուրս, ճիշդ դիմացը մի ճամբայ կար որ կը տանէր մօտակայ լեռը՝ ուրկէ մագլցելով կը բարձրանային վե՛ր... և որուն կից էր հիւսիս նայող ահագին ժայռերու երկա՛ր շղթան:

Վարդանը այդ ժայռերուն ստորտը գիտէր կարգ մը թագըստօցներ ո՛ւր յաճախ պահուած էր խուզարկութեան կամ հետապնդող մի պահուն: Սակայն այդ բանը ոչ ոք չէր գիտեր և ինք՝ իր մէջ միայն պահած էր այդ գաղտնիքը:

Իրոջ Լուսիկան անգամ չէր ըսած թէ՛ հո՛ն, ժայռերու ստորտը թագստօցներ կան և չէր ապսպրած քրոջ որ վտանգի մը պահուն՝ մառանի ծակէն փախչելով երթար, ապաստանէր անոնցմէ միոյն մէջ:

Վարդանն զգուշութեան համար չէր ըսած քրոջը, մի գուցէ մի օր՝ մատնուէր, և զինուորները քոյրը նեղելով՝ անկէ գաղտնիքը խլէին որով՝ նշանաւոր որսը ձեռք կ'իյնար...:

Գիշեր էր: Բնութիւնը կը ննջէր մուշ, մուշ. Օ... գիւղին բնակիչներն ալ քնացեր էին, ամէն դի կը տիրէր խորին լռութիւն և խաւարը կը թագաւորէր ամէ՛ն կողմ...:

Վարդանենց տունը միայն կենդանութիւն կար. այն խրճիթին բնակիչները միայն արթուն էին:

Սենեակը լուսաւորուած էր աղօտ լսյտով մը, և պատին վրայ՝ բազմաթիւ ստուերներ կը շարժէին, կ'երկարէին, կը ձգձուգէին և հրէշի մը պատկերը ձեւացուցած՝ կը կ'բոսուէին սենեկին մութ ու լոյս անկիւններու ճեղքատուքին մէջ: Սենեկին վերի անկիւնը մի կին պառկած էր վերմակին տակ լաւ մը ծածկուած, բայց զըլուխը վերմակէն դուրսն էր, և նրա տօգոյն այտերէն կը յայտնուէր, որ երկար ժամանակ անկողնոյ կը ծառայէր ու կը լկուէր օտակալի ցաւէ մը: Մեռելատիպ էր այդ կնոջ դէմքը, կմախք մ'էր կատարեալ, երեսի մորթը պրկուած էր և ճակատին վրայ շատ մը ակօսներ բացուած էին. ձրձգուն մազերը երեսարձն ամբողջ գօցած էին, այդ ցանցառ, բարակ թելերը առանց մի ճերմակ մաղի, կը վկայէին կնոջ տակաւին երիտասարդ ըլլալը:

Կիւնը չէր քնանար, օտակայն նուազուն աչքերը գոց էին...: Սյդ կիւնը Վարդանի մայն էր որ երկար ստենէ ի վեր կը տա-

ուսպէր... Գիւղը չունէր իր յատուկ ու հմուտ բժիշկը՝ որ կարեւոր ատուղջացնել խեղճ կիներ: Թէպէտև շատ փորձառական դեղեր տուած էին նրան, սակայն ապարդիւն մնացեր էին անոնք. այսպէս երկարօրէն հիւանդ էր Վարդանին մայրը: Հիւանդին գլխուն վերեւ նստած էր մի աղջիկ, մաղերը՝ սև, դէմքը՝ կայտառ և հրաշեայ: Հաղիւ բոլորած էր 17 գարուններ: Այդ աղջիկը ճշմարիտ գեղջկուհւոյ մը տիպարն էր: Կարմիր կտակէ հագուստ ունէր իր վրայ, վիզէն կախուած էր դեղին սաթերու երկար շարոց մը:

Աղջիկը գլուխը հակ՝ չապիկ մը կարելով կ'զբաղէր: Սակայն մերթ ընդ մերթ գլուխը վեր առնելով՝ աչքի ահնարկ մը կը նետէր հիւանդ մօրը վրայ... Այդ աղջիկն էլ Վարդանի քոյրն էր. — Լուսիկ ճանը:

Հիւանդն իսկոյն աչերը բանալով՝ նուազկոտ ճայնով մը կանչեց. — Լուսիկ ճան... .

— Ի՞նչ է, մարէ ճան, ըսաւ աղջիկն ու չապիկը մէկ կողմ ձգելով՝ հիւանդին մօտեցաւ:

— Աղջիկս... ո՛ւր է Վարդանը:

— Տանը չէ, մարէ ճա՛ն:

— Ո՛ւր է, ո՛ւր, ա՛հ...

— Խապար չունիմ մարէ ճա՛ն, դեռ ցորեկ էր հեռացաւ տնից:

— Ա՛հ, Վարդանս, վարդ... վարդ... Լուսիկս, դուք... երկ... ուք... էլ կը մնաք... մեն... ահ... Վերջին խօսքերն հազիւ հազ արտասանելէ ետք, խեղդուկ ճիչ մը բարձրացուց ու աչերը փակեց...: Հիւանդը մեռած էր:

Լուսիկն սկսաւ դառնապէս հեծկլտալ և արցունքներովը թըրջել մեռեալին թոշնած երեսը:

Որքան յուզիչ էր տեսարանը: Դուրսը՝ մութ, մույլ ու խորին լուսթիւն կը տիրէր: Գիւղն այդ գիշեր կարծես սուգի սեւ վերմակին տակ կը ննջէր անլաց ու անշշուռնչ, ինչպէս Լուսիկ ճանն իր գլխին կը ծածկէր նոյն գիշեր սև շղարշը սգալի...: Գիշերային խոր լուսթեան մէջ՝ ցաւոտ ճիչ մը կը բարձրանար կողկողապէս Վարդանենց տունէն: Խեղճ Լուսիկը կատարեալ որբ կը գառնար այդ գիշեր: Հայրն արդէն 95 ի դէպքին անգուլթ հարուածի մը զօհ գացած էր: Մայրը, պաշտելի Մարէն՝ այդ գիշեր կը թողուր զինքը միտ մինակ, պապենական աւերակ օճախին վրայ պահապան: Վարդանն արդէն կէսօրին հեռացեր էր տունէն, արդեօք

անգամ մ'ալ ետ պիտի դառնար թէ՛ այն էլ յաւիտեան պիտի զատուէր Լուսիկէն:

Այնպէս կը թուէր թէ՛ այս անգամ կոիւր սոսկալի էր, քիւրտերն այն օրը, անգթութեան սահմանէն շատ հեռացեր էին... արդէն Վարդանը հեռացած պահուն երեսը ծամածռած էր ու վըրջոված սրտով՝ զէնքերն առեր և հեռացեր էր:

Արդեօք ե՛րբ պիտի դառնար այս անգամ, միթէ պիտի՞ ուշանար և չպիտի՞ կրնար վաղորդեան լուսաբացին տեսնել անգամ մ'եւս մօրը ծիրած մարմինը՝ որ պիտի գրկէր յաւիտեան սեւ հողը ցրտագին:

Վարդանը կոուոյ դաշտն էր... մայրը հրաժեշտի մելամաղցոտ քնարը կը թրթռացնէր այդ գիշեր և յաւիտեան կը հեռանար հայկական աշխարհէն, իր ետեւ թողելով սուգի սեւ պատանքն անսահման՝ որ պիտի ծածկէր ամբողջ Օ... գիւղը:

Լուսիկը կուլար գիշերային առանձնութեան մէջ մինակ ու տխուր... չ'կար մէկը նրան ասէր «մի՛ լար, մի՛ լար հէգ աղջիկ, սուգը մինակ քեզ չ'ողջունեց այլ՝ ամբողջ գիւղը»:

Լուսիկ մի պահ դադրած էր լալէ, ու գլուխը յենած էր մօրը սնարին վրայ: Յանկարծ մի խուլ աղմուկ եկաւ հասաւ ականջին գիւղի միւս ծայրէն...: Աղջիկը սրտաթունդ ոտք ելաւ մոռնալով դիակնացած մայրը, դուրս ելածին՝ կտուրին վրայ բարձրացաւ:

Չարհուրելի էր տեսարանը: Գիւղի միւս ծայրէն հրդեհը բռնկած էր և բոցերը սիւներու նման վեր կը բարձրանային լափելով... մօխի դարձնելով հայու խրճիթները:

Բոլոր գիւղացիները շփոթած՝ ոտքի ելեր էին: Մին կը փախչէր, մին կը թագնուէր, մի ուրիշ օգնութիւն, գթութիւն կ'ազաղակէր: Աղիողորմ ճիչեր բոցերուն հետ միացած վեր կը բարձրանային դէպի՞ Գահը... ո՛ւր Աստուած մը կը թագաւորէր...: Կիներ կը հառաչէին արտասուաթոր աչերով, շատեր բողբօք և անէծքի սո՛ւր սլաքներ կը նետէին դէպի՞ այդ Աթոռը երկնակառոյց... մանուկներ կը հեկեկէին դառնազին և շատե՛ր ոտքի կօխան կը լինէին:

Համաճարակ հրդեհը գիւղին մի մասը լափեր էր ե՛րբ հրացաններու պայթիւնը լեռ, սարթնթացուց:

Քիւրտերը խոյս տուող էրիկմարդերը կը հալածէին գնդակահարելով զանոնք...: Շատ մը գազանաբարոյ զինուորներ իրենց

դաժան տափանքի ձայնին ականջ կախած էին ըռնաբարելով հայ աղջիկներն ու լրկելով զանոնք անդթօրէն :

Բոցերն ամէն զի լուսաւորած էին :

Լուսիկը լուս . . . բայց սիրտը ճմլած կը դիտէր սոյն Սոդոմ-Գոմորեան տեսարանը . . . : Հրդեհը տակաւին իրենց տան չէր հասեր :

Իսկոյն նշմարեց որ բազմութիւնը դէպ իրենց բնակարանը կուգայ ու այդ դժոխային գոչերուն մէջ լսեց մի զինւորի ձայն որ կ'ըսէր « Վարդանի պուլզ, օ՛ ֆէտայի կեալուռի թութմալի » . « Վարդանը փնտռեցէք, այդ կեալուռ յեղափոխականը ձերբակալել պէտք է » : Լուսիկն այդ գոյժը լսելով ախ մը քայնց ու կտուրէն ցած իջաւ աճապարանքով :

Հագիւ ոտքը դբած էր տան սեմին վրայ՝ երբ սենեակին մէջ գտաւ երկու աղջիկ կեցած՝ կ'արտասուէին, անոնցմէ մին դարձաւ ու ըսաւ .

— « Փախչինք Լուսիկ ճա՛ն, փախչինք . . . զինւորները երեքիս հալածում են » :

Այդ գուժականին վրայ Լուսիկն առաջ անցաւ ու մառանը մըտաւ, երկու աղջիկներն հետեւեցան անոր . . . նոյն միջոցին զինւորները ներս խուժեցին և ուղղակի մառանը մտան . . . : Սակայն աղջիկներն արդէն խոյս տուած էին ծակէն ու բռնած էին լերան ձամբան :

Չինւորները դարձեալ սենեակը մտան ու մօտեցան հիւանդին, բայց այն արդէն վաղճւց մեռած էր :

Զօրքերը ձգեցին այդ թափուր վայրը, դուրս ելնելով՝ ուղղուեցան դէպի լեռ . . . կարծես բնազդն էր զիրենք դէպ այդ կողմը կը մղէր :

Գիշերն արդէն անցեր էր, արշալոյսն ալ ծագեր էր . . . զինւորները մթնշաղին մէջ՝ ապառաժներու կողքին վրայ շարժուն ստուերներ նշմարելով՝ թողուցին լերան ձամբան և սկսան ժայռերն ի վեր մագլցիլ :

Յարգելի ընթերցողին ծանօթ են սոյն ապառաժներն՝ որոնց կողէն ի վեր մագլցիլը մարդ էակին գործը չէ : Սակայն կը լինի պարագայ մը որ մարդս հրաշք կը գործէ վտանգի կամ տագնապի պահուն : Մարդը չէ որ այն ժամանակին եղակի քաջագործութիւններ կը կատարէ այլ՝ սրտին զգացումն է որ զայն կը մղէ հրաշագործութեան :

Այդ երեք գեղջկուհիներն այնքան փափուկ ու այնքան տըկար, և սակայն ապառաժներու անել ուղիներէն անցեր էին ու շատ վեր էին բարձրացեր . . . : Ազնիւ զգացումն էր որ զիրենք մղած էր հո՛ն, մինչե՛ւ այդ բարձունքը : Նամուան անաղարտ պահելու տենջը՝ նրանց թռիչ տուած էր մինչեւ սարերն հասնելու :

Իսկ զինւորները տափանքի ահաւոր ուժէն մղուած՝ անոնք եւս բարձրած էին վիթխարի ապառաժներու դէպի լերկ սարերը :

Երեք աղջիկները նշմարեցին որ զինւորները իրենց շատ մօտն են : Վճռեցին երեքն ալ զերծ մնալ անպատուութենէն :

Վերջին ակնարկ մը ձգեցին այդ հեռաւոր բարձունքէն մխացող գիւղին վրայ՝ որուն բոլոր աւերակները արեւու թարմ ճառագայթներուն տակ պարզ կը տեսնուէին :

Վերջին արցունքի կաթիլներն ալ սրսկեցին վարը . — Երկնային ցողեր մը փալիլուն . . . ու երեքն ալ ձեռք ձեռքի տուած « Մնա՛օ բարեաւ աւերակ Օճախ . . . » ձայնելով՝ միասին վար գահավիժեցան . . . :



ԱՐԴԱՐ ՎՐԵՅԸ



Թ... գիւղն աւերակ էր դարձեր: Տուներն ամբողջ քար ու քանդ էին եղած: Տեղ, տեղ միայն կիսակործան պատեր կանգուն կը մնային՝ որոնց վրայ արեան հեռքեր կային դեռ...:

Մի տեղ գանկերու կոյտ մը կար, և հոս, հոն ճրճագուած էին դիակներ, կտրտուած թեւեր, ոտքեր... և պատառոտած զգեստներ...:

Մի ուրիշ տեղ, մոխրի դէզեր ու քիչ մ'անդին արեան լճակներ՝ որոնք թանձրանալով լուրթ կապոյտ գոյն առած էին. այսպէս, ամէն դէ, ամէն կողմ սրտաճմրկ տեսարան մը կը պարզուէր:

Մառեր, ճղեր անգամ չկային Թ... գիւղին շուրջը, կամ մօտերը... բոլորովին ամայի, թռչուն մ'անգամ չէր տեսնուեր հոն, ու չէր լուեր անոր ճվլուած քաղցրանուագ...:

Ամէն բանէ զուրկ, ամենէն լքուած էր այդ աւերակ գիւղը հայկական...:

Ողբակոծ բուն անգամ ձգեր էր այդ վայրը թափուր և հեռունները թռչեր էր ցուրտ կերպարանքով մը խորթ...:

Փլատակ էր դարձեր Թ... գիւղը և բնաջինջ էր եղած իր բոլոր հանգամանքներով: Բռնապետութեան սուր թուրն էր շողացեր անոր վերեւը և անգթութեան սե սաւանը ծածկած էր զանի: Հայ կ'ապրէր հոն, ա՛յդ գիւղին մէջ, ա՛յդ խրճիթներուն տակ որ հիմա քար ու քանդ են եղած:

Դեռ երէկ, հո՛ն կենդանութիւն կը տիրէր, հո՛ն Աստուած կը փառաբանուէր, հո՛ն մարդ էակներ կը շնչէին, հո՛ն աստուածեղէն կենսատու ձայնը կը հնչէր ուժգին...:

Իսկ այսօր, մահուան ուրուական կը թափառի հո՛ն անտեսանելիօրէն, սուգի ստուերներն կը շարժին այդ փլատակներուն վերեւ. կենդանութեան ո՛չ մի նշոյլ, ո՛չ մի շշուկ, ո՛չ մի ձայն...:

Լճու... լճու... գերեզմանակա՛ն լուրթիւն մը կը տիրէ հո՛ն...:

Գերեզմանոց է դարձած երէկի կենդանի զիւղը... դամբարաններ չ'կան հո՛ն, այլ՝ հողի կոյտեր... փլիված պատերու կրտորներ ծածկած են հարկւրաւոր ջախջախուած մարմինները:

Հո՛ս փշրուած զանկ մը, հո՛ն դաշոյնէ ծակծկուած մարմին մը, քիչ անդին կնոջ զլուխ մը մագերու փունջին մէջ ծածկուած և մի ուրիշ տեղ, յոշոտուած փոքր մանուկներ:

Տխո՛ւր տեսարան...: Գաղանաբարոյ կըքերու անմե՛ղ զոհեր, անգթութեան աւերի՛չ ձեռքի յօրինուածներ... բռնապետութեան ժանդոտած մանգաղի առա՛տ հունձքեր:

Ո՛հ, Թ... գիւղ, դեռ երէկ կենդանութեան անո՛ւշ շունչը կը պոռթկար քո բերնէն, իսկ այսօր մահուան ժահրոտ շունչը կուգայ խղղել ամէ՛ն ինչ...: Երէկ դրախտ մ'էիր օդասուն դիրքովդ, քո պաղուկ ջուրովդ, քո դալար ծառովդ ու ճիւղովդ, իսկ այսօր էրէկի հակապատկերը:

— Աւերա՛կ, փլատա՛կ, մոխի՛ր, աճիւնացած մարմին ու դիակներու կոյտեր:

Մի քանի օր առաջ այս գիւղէն հեռացան 8 կորիճներ, թեբեւս նրանք միայն ողջ մնացին շատ հեռուները գնալով կոխի համար, իսկ մնացածները բոլո՛րն էլ. — այր, կի՛ն, տղայ, աղջիկ, երիտասարդ ու երիտասարդուհի... ամէ՛նն ալ սրախոխող եղան... այրուեցան, գնդակահար, դաշունահար, հրո՛յ ճարակ... այսպէս, բոլո՛րն էլ ոչնչացան... աւերա՛կ դարձան...: Տո՛ւնն ալ, տե՛ղն ալ, նամո՛ւսն ալ, կեա՛նքն ալ, ամէ՛ն ինչ բնաջինջ եղան...: Անարդարութեան զոհ, բռնապետութեան զոհ և անգթութեան զոհ եղան... գացին:

Թ... գիւղը փլատակ մը դարձեր էր: Տուներն ամբողջ տակն ու վրայ եղած էին, դէս ու դէն փլիված օրմեր կը մնային կանգուն և այդ որմերը ներկուած էին կարմիր արիւնով:

Այսպէս էր Թ... գիւղին տեսարանը, և այսպէս կը պարզուէր բոլոր անցորդներուն:

Յանկարծ լերան վրայ երեւցան 8 կորիճներ, ոտից ցզլուխ զինուած ու մէյմէկ Մօսէնի ի ձեռին...: Նրանց զարմանքը մեծ եղաւ, երբ գիւղը գտան բոլորովին աւերակ: Իսկոյն լեռնէն վար իջան ու սկսան այս ու այն կողմ շրջիլ... ամէ՛ն տեղ մահ օրփուուած էր, կենդանութեան ո՛չ մի նշոյլ, ո՛չ մի ճառագայթ կար հոն...: Երիտասարդներն այս անակնկալ տեսարանէն զարհուրած,

կատողած խելագարներու նման իրարու երես նայեցան ապուշ, ապուշ. միայն աչերու շարժումով խօսեցան իրարու հետ, կարծես մին միւսէն կ'ուզէր հարցնել թէ՛ «այս ի՞նչ է»:

— Եթէ մենք հնադարեան Հայկի արիւն ունինք մեր երակներու մէջ, և առնական սրտի մը կորովը մեր կապարէ իրանին տակ, այս պահուս կը թողնենք սա վայրը ու կը գնանք հարիւրաւոր զոհերի արդար դատն ու իրաւունքը պահանջել այդ բարբարոս քրդերից: Ըսաւ անոնցմէ մին:

— Եթէ մենք Հայի իսկական ու հարազատ օրդիններ ենք, գոչեց մի ուրիշ, հարիւրաւոր զոհերի փոխարէն հաղարաւոր զոհ կը պահանջենք:

— Ա՛հ, իմ պաշտելի Նազօն էլ զոհ է գնացեր: Արդեօք պահեց նամուսը անաղարտ, թէ՛ մեռաւ լլկուած...: Ո՛հ, փլատակ, ձայն տո՛ւր ձայն և սաս՛ իմ Նազօն ի՞նչպէս մեռաւ, քաջաբար թէ վատօրէն: Գոչեց մի ուրիշը հեծեծելով:

— Վրէ՛ժ... գոռաց խմբապետը:

— Վրէ՛ժ, արձագանգեցին միւս ընկերները:

— Ճա՛ն տղերք, բոլոր այս անշունչ իրերը, սա փլատակին տակ հանգչող բոլոր մեր հայրերը, մայրերը, եղբայրները, քոյրերը նշանածները մի խօսքով, ամբողջ զոհուողները թո՛ղ շունչ առնեն ու մեր գլխին անէ՛ծք կարդան եթէ նրանց արդար վրէժը չլուծենք, եթէ մեր զէնքերովը ու եսթաղաններովը նրանց գանկերը չփշրենք, եթէ նրանց տներն ասոնց նման աւերակ չդարձնենք ու չթափենք թշնամիին սև արիւնը առատօրէն»:

Մեր կեանքը թանկ է ձա՛ն տղերք, զի մենք տանջուողը պաշտպանող տարր ենք, գնդակին առաջն վաղող ենք...: Մեն, անդր յառաջ, գնանք էլի թշնամիին դիմաւորելու մեր ոսկի փամփուռներով, գնանք էլի կոռուելու, վրէ՛ժը լուծելու բոլոր այս զոհերին՝ որ կը հանգչին հոս»:

Խմբապետն այս խօսքերն արտասանելէ ետք՝ յառաջ անցաւ և նրան հետեւեցան միւս բոլոր ընկերները:

Փոքրիկ զօրախումբը ճամբայ ինկաւ, գիւղի ստորոտէն քալելով՝ իջաւ ձորին մէջ ու դէպի լեռ բարձրանալով անոր ետին թաղուեցաւ...:

Գիշերը բաւական անցեր էր, երբ կտրիճները հասան մի գիւղ: Երկար ճամբայ մը կտրած էին անոնք և շատ յոգնած էին: Անօ-

թուլթիւնը զիրենք սաստիկ կը նեղէր, հաց ու հանգիստ հարկ անհրաժեշտ էր այդ խմբին:

Գիւղին հարաւային կողմը, մի ճորակին մէջ իջան ու նստեցան խոտերուն վրայ: Խմբապետն իսկոյն կանչեց իր մօտ ընկերներէն էն ճարպիկը — Վարդօն և ապապրեց նրան որ գնայ Թորոսեց տունը և անկէ բերէ հաց, պանիր ու կուժ մը ջուր: Վարդօն այս հրամանին վրայ ճարպիկ շարժումով ընկերներէն հեռացաւ ու ձորակէն լեռը բարձրանալով դէպի վար իջաւ ու փողօցներուն մէջ անյայտացու:

Կէս ժամ յետոյ, Վարդօն նրանց բերաւ առատ հաց ու պանիր, իսկ ջուր չկար:

— Տօ՛, ինչո՛ւ ջուր չբերիր, հարցուց խմբապետը:

— Թորոսն հիմա հոս կը գայ իր կուժ մը ջրով, պատասխանեց Վարդօն խոշոր կտոր մը հաց թխմելով բերանը:

Հինգ վայրկեան յետոյ լեռան վերեւն սառուեր մ'երեւցաւ, Վարդօն իսկոյն ետին դարձաւ ու աչերը սեւեռեց դէպի լեռ, մանրերկրորդի մը մէջ շտկուեցաւ անվրդով ու ըսաւ.

— Թշնամի չէ, Թորոսն է. խօսքն աւարտելէ ետք ոտք ելաւ մուլթին մէջէն ձայնեց.

— Ո՛վ է, Թորոս դու չե՛ս:

— Թորո՛սն է Թորոսը... Վարդօ ճան:

— Տնաւե՛ր, շո՛ւտ արի հասի՛ր, հացը պողպատ մնաց:

Թորոսը լեռնէն վար իջաւ և մօտեցաւ խմբին կուժը մէջտեղ դնելով:

— Բարի՛ եկար Թորոս, բոլորը կամացուկ մը ձայնեցին:

— Ձեզ բարի տեսայ, արձագանգեց Թորոսը:

Ընթրիքն աւարտելէ ետք կուշտ մը ջուր խմեցին, ու ամէն մէկը մէկ կողմ քաշուեցաւ քչիկ մը հանգչելու համար: Միայն խմբապետը նստած կեցաւ և Թորոսը կանչեց իր մօտ: Թորոսը մօտեցաւ անոր ու սկսան անձայն խօսիլ...:

— Դու ան ասա՛, Թորոս, յարեց խմբապետը, Արթինն ու Սեդրակը գիւղո՞ւմն են.

— Ձէ, պատասխանեց Թորոսն առանց յապաղելու:

— Ինչո՞ւ:

— Նրանք հեռացան գիւղից հէնց այսօր:

— Պատճա՞ռ, հարցուց խմբապետը նեղանալով:

— Նրանք կանչուեցան Հ... գիւղը:

— Էլի կռիւ կայ այդ կողմը, հարցուց խմբապետը զայրա-
նալով:

— Կռիւը սոսկալի է այս անգամ և մերոնք, մեծ ուժի կը
կարօտին:

— Ա՛հ, Սուլթան, բոլոր այս չարիքների աղբիւրը դու ես,
անգութ գազան, ձայնեց խմբապետը հառաչանքի դառն ու կծու
չեչաբերով, և ձեռքը տարաւ մռայլամած ճակատին:

— Դուք ո՛ր գնում էք հէնց այս գիշերանց, հարցուց Թորոս
խմբապետին:

— Գանի որ Հ... գիւղը ճգնաժամի մէջ է և մեր ընկերները
ուժի պէտք ունին, կը գնանք մենք ևս նրանց օգնելու և արդար
վրէժը լուծելու Թ... գիւղին՝ որ դեռ մի քանի օր առաջ աւե-
րակ դարձրին դա՛ վատ քիւրտերը:

— Ի՞նչ ասում ես, Թ... գիւղն աւերակ է դարձեր, հարցուց
Թորոս զարմանալով:

— Աւերակ, փրատակ, մոխիր և քար ու քանդ, ըսաւ
խմբապետը գլուխն երերցնելով:

— Վրէժ, վրէժ լուծելու է անյապաղ, գոչեց Թորոս հրացայտ
աչերով:

— Ճա՛ն, տղերք, չո՛ւտ ոտք ելէք, վե՛ր կացէք, գոչեց խմբ-
ապետը:

Ընկերները բոլորն ալ ընդոստ արթնցան խոր քնէն խմբապետի
գո՛ւ ձայնին վրայ և շուտ մը զէն ի ձեռին մօտեցան անոր քով:

— Տղե՛րք Հ... գիւղը տագնապի մէջ է, ընկերները ուժի են
սպասում, գնանք նրանց օգնութեան, գնանք մեր վրէժը լուծե-
լու և արդար պատիժ տնօրինելու այդ շներին՝ որոնք թուով
չատ շատ են մեր եղբայրներից թէ՛ բնակարանով և թէ՛ հոգւով և
որ ուզում են մի քանի տուն հայերն էլ ոչնչացնել:

— Գնա՛նք, գնա՛նք, ձայնեցին բոլոր ընկերները, ու ոտք
ելան: Թորոս անոնց բարի ճանապարհ մաղթելով և մի քանի քա-
ջալերական խօսքեր արտասանելով՝ կուժն առաւ ու դէպի լեռ
բարձրացաւ...

Խմբապետն անցաւ ձորակի դէպ միւս կողմը և օձապտոյտ
ճամբաներէն անցնելով միւս ընկերներուն հետ միասին լեռան ետև
թաղուեցաւ:

Գիշերը շատ անցեր էր երբ փոքր դօրախումբը հասաւ Հ...
գիւղին արեւելեան կողմը գտնուող լեռնահովիտին մէջ. հո՛ն ա-
մէնքը կանգ առին: Հազիւ մի քանի վայրկեան անցեր էր երբ
յանկարծ հրացաններու պայթիւնը լսեցին գիշերային խաւարին մէջ:

Հրացաններու ձայնը հեռու տեղէ չէր գար, գնդակներու
վզվզոցը շատ մօտէն էր կը լսուէր: Խուլ ձայներ, իրարանցում
լեռնէ լեռ, ձորէ ձոր կարձագանգուէին: Խմբապետն հրաման
ըրաւ Վարդօին որ լեռը բարձրանայ ու դիտէ:

Վարդօն անմիջապէս թեթեւաշարժ այծեամի մը նման լեռը
բարձրացաւ և հինգ վայրկեանէն վար իջաւ:

— Մերոնք մեր կողմը գտնուում են, ըսաւ Վարդօն. իսկ թըշ-
նամիները գիւղին միւս ծայրը:

— Շատ լա՛ւ, գոչեց խմբապետը, մի քիչ հանգստանալով:
Վարդօ՛, տե՛ս անելիք գործդ: Հիմա պիտի գնաս գիւղ. սատանա-
յից աւելի ճարպիկութեամբ գիւղին հարաւային կողմը կրակ կը
ձգես, ետքը կը դառնաս դէպի հիւսիս, այն տեղից էլ կրակը
կուտաս, յետոյ մեր ընկերներին կը գիտցնես թէ օգնութեան եկել
ենք, ու կը դառնաս արեւմուտք, ո՛ր անկիւնից երեք գնդակի
ձայն առիւր դու այդ կողմը կ'ուղղուիս ու կը տեսնես մեզ հո՛ն
պատրաստ: Հայտա՛ քաջս, քեզ տեսնեմ, ի՛նչ, դու քո հօր հա-
րազատ զաւակն ես Վարդօ...:

Վարդօն այս ամէնն աղէկ մը մտիկ ընելէ ետք, շուքի պէս
անոնց քովէն անցաւ ու գիշերային մթութեան մէջ կորսուեցաւ...:
Խմբապետն արդէն միւս ընկերներով գրաւած էր այն կողմը՝
որ թշնամին կը գտնուէր այլ եւս իրենց և միւս կողմող ընկերնե-
րու միջեւ...:

Պատրաստ՝ կ'սուպսէին հրդեհի բռնկման:
Իսկոյն գիւղին հարաւային կողմէն շէկ բոցերը բարձրանալ
սկսան և քիչ քիչ ծաւալեցան. կէս ժամէն հիւսիսային կողմն ալ
հրդեհն սկսաւ: Գիւղը դարձաւ կատարեալ գեհնն մը: Սոսկալի
վայնասուներ, քրդուհիներու ճիչեր, աղիողորմ ձայներ, խառնա-
շփոթ իրարանցում չորս կողմերէն սկսան լսուիլ ...

Իսկոյն երեք գնդակ իրարու ետեւէ արձակուեցան, անիկա
խմբապետի պայմանադրական նշանն էր Վարդօյի հետ: Եւ
Վարդօն անոնց մօտն էր ու կռիւն սկսած էր: Թշնամիներն
ահաբեկած՝ ի՛նչ ընելին չէին գիտեր, հրդեհը արագ արագ կը լա-

11

1. The first part of the book 1

2. The second part of the book 2

3. The third part of the book 3

4. The fourth part of the book 4

5. The fifth part of the book 5

6. The sixth part of the book 6

7. The seventh part of the book 7

8. The eighth part of the book 8

9. The ninth part of the book 9

10. The tenth part of the book 10

Faint, illegible text on the right page, possibly bleed-through from the reverse side.

ԱԶԱՏ ՄԱՏԵՆԱՇԱՐ

6097

Չարդարեան Գրատունը յուլ. 10էն ի վեր հրատարակած է հին ու նոր ազգային ու հայրենասիրական գործերու շարք մը, որոնք մեծապէս գնահատուած են ընթերցասէր հասարակութեան կողմէ:

1. Սել Հոդեր կամ Յետին Գիշեր Արարեսեան. Թատրերգ. Պետրոս Դուրեանի. 5 արար.	2
2. Աւերակ (Բանփի յիւսակներ). Վահան Թոթովենցի:	1
3. Ընդարձակ Հայկական Երգարան. Ա. Հատոր:	3.50
4. Վանգոյժ. Խրիմեան Հայրիկի.	1.50
5. Երգեր եւ Տաղեր. Պետրոս Դուրեանի, (պատկերով).	1
6. Հայգոյժ. Խրիմեան Հայրիկի.	2
7. Ընդարձակ Հայկական Երգարան. Բ. Հատոր. Նոյնը Ա. և Բ. Հատոր 7.50 Լաթակազմ	3.50 10
8. Աւերուժն Անի Մայրաքաղաքին. Թատրերգ. Պ. Դուրեանի.	2
9. Յաւին Տունը. (Բանտի յիշատակներ). Լ. Շաթրեանի.	4
10. Եղիա Տէմիրճիպաճեան. Լ. Իսաճանեան. (պատկերով)	1.50
11. Երիսաարդը. Տօթ. Լուի Պէնքո. Թարգմ. Ռոզմէրի.	1.50
12. Չայնագրուած Հայկական Երգարան. Բ. Կանաչեան, Ա. մաս պատկերազարդ, 40 երգերով. Նոյն, բաժանորդագրութիւն Բ. Գ. և Դ. մասերու.	5 15
13. Ժամանակ եւ Խորհուրդ իւր. Խրիմեան Հայրիկ. Հասոյթը ի նպաստ Վանայ վարազայ վանքին.	1.50
14. Սով եւ Մահ. Ուրուր.	1
15. Միկզ, Բերրուածներ. Վահան Թոթովենցի.	2.50
16. Ընդարձակ Հայկական Երգարան. Դ. Հատոր. Նոյնը Ա. Բ. և Գ. Հատոր միացեալ 10, Լաթակազմ.	3.50 12 50
17. Հայ Հերոսի Արեւանքը. Աշուղ Շահնազար.	3
18. Ֆրանկո-թրեական պատերազմ կամ Չարքըր Արքին աղա, կատակերգ. Եր. Օտեան, 3 արար.	3
19. Պատասխան Ռուս Սինօղի բանադրագրին. Թօլսթոյ.	1
20. Յիւսակարան. Երեւելի Հայերու լուսատիպ պատկերները, ձեռագիրները, կենսագրութիւնները, հեղինակութիւնները և գրուածքները, շքեղ տպագրութեամբ և թուղթով, տետր	2
21. Չավալլոն. Դիւթ. կատակախոյ. Եր. Օտեան.	1
22. Ապս-իւլ-Համիս Բ. Խ. Գովալճեան.	1
23. Կրակական վերածնութիւն. Յ. Նազարեան.	4
24. Կասակերգութիւն Երից Բաջաց. Մ. Պէշեկթաշեան.	1
25. " Աւազակաց " "	1
26. Սել Պատկերներ, Յորինեց Տիգրան Աշճեան	2.50

2013

Դիւնի Չարդարեան Գրատուն, Կ. Պոլիս.
Չափմասնորդար, քիւ 24-26



